



15/62

Skatteetaten

Saksbehandlar
Liv Farestveit

Dykkar dato

Vår dato
13.02.2015

Direkte tlf
55578425

Dykkar referanse

Vår referanse
2014/99332

Kommunestyret i Masfjorden kommune
Administrasjonsbygget
5981 MASFJORDNES



Kontrollrapport 2014 vedkomande skatteoppkrevjarfunksjonen for Masfjorden kommune

1. Generelt om fagleg styring og kontroll av skatteoppkrevjarfunksjonen

Skatteoppkrevjaren sitt ansvar og mynde følger av "Instruks for skatteoppkrevjarar" av 8. april 2014.

Skattekontoret har fagleg ansvar og instruksjonsmakt overfor skatteoppkrevjarane i saker som vedkjem skatteoppkrevjarfunksjonen, og plikter å yte rettleiing og hjelp i faglege spørsmål. Skattekontoret søker gjennom mål- og resultatstyring å leggje til rette for best mogeleg resultat for skatteoppkrevjarfunksjonen. Grunnlaget for skattekontoret sin styring av skatteoppkrevjarfunksjonen er "Instruks for skattekontorenes styring og oppfølging av skatteoppkreverne" av 1. januar 2014.

Grunnlaget for skattekontoret sin kontroll av skatteoppkrevjarfunksjonen er "Instruks for skattekontorenes kontroll av skatteoppkreverne" av 1. februar 2011.

Skattekontoret har ansvaret for å avklare at skatteoppkrevjarfunksjonen vert utøvd tilfredsstillande i høve til gjeldande regelverk på følgjande områder:

- Intern kontroll
- Rekneskapsføring, rapportering og avlegging av skatterekneskapen
- Skatte- og avgiftsinnkrevjing
- Arbeidsgjevarkontroll

Riksrevisjonen har ansvaret for revisjon av skatteoppkrevjarfunksjonen. Skatteetaten utfører oppgåvene med kontroll av skatteoppkrevjarfunksjonen.

Postadresse
Njøsavegen 2

6863 Leikanger
skatteetaten.no/sendepost

Besøksadresse
Sjå www.skatteetaten.no eller
ring gratis 800 80 000
Org. nr. : 991733108

Sentralbord
800 80 000
Telefaks
51 91 73 01



2. Om skatteoppkrevjarkontoret

2.1 Bemanning

Sum årsverk til skatteoppkrevjarfunksjonen iht. skatteoppkrevjaren sin årsrapport:

Tal årsverk 2014	Tal årsverk 2013	Tal årsverk 2012
0,6	0,6	0,6

2.2 Organisering

Skatteoppkrevjar er åleine om skatteoppgåvene og ein frå rekneskapsavdelinga godkjenner utbetalingane. Masfjorden har elles samarbeidsavtale med Hordaland kommunale rekneskapskontroll om arbeidsgjevarkontrollen.

3. Måloppnåing

3.1 Skatte- og avgiftsinngang

Skatterekneskapen for Masfjorden kommune viser per 31. desember 2014 ein skatte- og avgiftsinngang¹ til fordeling mellom skattekreditorane (etter frådrag for avsetjing til margin) på kr 168 073 901 og uteståande restansar² på kr 4 420 689, av dette krav stilla på vent kr 3 447 410. Skatterekneskapen er avlagt av kommunen sin skatteoppkrevjar 8. januar 2015.

3.2 Innkrevjingsresultat

Vi har gått gjennom innkrevjingsresultata per 31. desember 2014 for Masfjorden kommune.

Resultata viser følgjande:

	Totalt innbetalt i MNOK	Innbetalt av sum krav (i %)	Resultatkrav (i %)	Innbetalt av sum krav (i %) førre år	Innbetalt av sum krav (i %) regionen
Restskatt personlege skattytarar 2012	4,0	99,8	99,0	100,0	95,6
Arbeidsgjevaravgift 2013	16,2	100,0	99,8	100,0	99,8
Forskotskatt personlege skattytarar 2013	10,2	100,0	99,0	98,0	99,4
Forskotttrekk 2013	41,0	100,0	99,9	100,0	99,9
Forskotskatt upersonlege skattytarar 2013	15,2	100,0	99,8	100,0	99,9
Restskatt upersonlege skattytarar 2012	0,9	100,0	99,0	100,0	99,1

¹ Sum innbetalt og fordelt til skattekreditorane

² Sum opne (ubetalte) forfalne debetkrav



3.3 Arbeidsgjevarkontroll

Skatteoppkrevjaren for Masfjorden kommune er tilslutta Hordaland kommunale rekneskapskontroll.

Resultat for kommunen per 31. desember 2014 viser i følgje skatteoppkrevjaren sin resultatrapportering:

Tal arbeidsgjevarar	Minstekrav tal kontrollar (5 %)	Tal utførte kontrollar i 2014	Utførte kontrollar 2014 (i %)	Utførte kontrollar 2013 (i %)	Utførte kontrollar 2012 (i %)	Utført kontroll 2014 region (i %)
67	3	1	1,5	6,6	1,6	4,6

4. Kontroll av skatteoppkrevjarfunksjonen

Skattekontoret har i 2014 gjennomført kontorkontroll av skatteoppkrevjarkontoret for områda intern kontroll, skatterekneskap, innkrevjing og arbeidsgjevarkontroll.

Skatteoppkrevjarkontoret har gjeve tilbakemelding på pålegg som er gjevne.

5. Resultat av utført kontroll

Intern kontroll

Basert på dei kontrollane som skattekontoret har gjennomført, finn vi at skatteoppkrevjaren sin overordna interne kontroll i det alt vesentleg er i samsvar med gjeldande regelverk.

- *Rekneskapsføring, rapportering og avlegging av skatterekneskapen*

Basert på dei kontrollane som skattekontoret har gjennomført, finn vi at rekneskapsføringa, rapporteringa og avlegginga av skatterekneskapen i det alt vesentlege er i samsvar med gjeldande regelverk og gjev eit rettvist uttrykk for skatteinngangen i rekneskapsåret.

- *Skatte- og avgiftsinnkrevjing*

Basert på dei kontrollane som skattekontoret har gjennomført, finn vi at utføringa av innkrevjingsarbeidet og oppfølginga av restansane i det alt vesentlege er i samsvar med gjeldande regelverk.

- *Arbeidsgjevarkontroll*

Basert på dei kontrollane som vi har gjennomført, finn skattekontoret at utføringa av arbeidsgjevarkontrollen i det alt vesentlege er i samsvar med gjeldande regelverk, men ikkje vert utført i tilstrekkeleg omfang då skatteoppkrevjarkontoret har utført 1,5% kontrollar mot eit krav på 5%.

6. Ytterlegare informasjon

Skattekontoret har gjennom sine kontrollhandlingar i 2014 gjeve pålegg som er meddelt skatteoppkrevjaren i rapport av 19. januar 2015.

Venleg helsing


Arnljot von Mehren
avdelingsdirektør
Skatt vest


Jan Kåre Strøm
underdirektør

Kopi til:

- Kontrollutvalet for Masfjorden kommune
- Skatteoppkrevjaren for Masfjorden kommune
- Riksrevisjonen